

**BOSNA I HERCEGOVINA
TUŽILAŠTVO
BOSNE I HERCEGOVINE
SARAJEVO**

**Broj: T20 0 KTRZ 0000565 10
Sarajevo, 13.09.2010. godine**

**SUD BOSNE I HERCEGOVINE
Sudija za prethodno saslušanje
Na broj: X-KRN-09/823**

Na osnovu odredbi člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine (ZKP BiH), podižem

OPTUŽNICU

PROTIV:

DRAGAN NEŠKOVIĆ, [REDACTED] rođen 24.12.1973. godine u Sarajevu, [REDACTED], državljanin BiH, [REDACTED]

[REDACTED]
[REDACTED]
[REDACTED]
[REDACTED]
trenutno se nalazi u pritvoru u Pritvorskoj jedinici Suda BiH, po rješenju Suda BiH broj: X-KRN-09/823 od 26.09.2010. godine, koji pritvor može trajati do 25.09.2010. godine ili do drugačije odluke Suda BiH;

ZORAN ILIĆ, [REDACTED], rođen 06.08.1973. godine u Ljuboviji, Republika Srbija, [REDACTED] državljanin BiH, [REDACTED]

ŠTO SU:

U periodu od 10.07. do 19.07.1995. godine, za vrijeme oružanog sukoba u Republici Bosni i Hercegovini, u okviru kojeg su pripadnici VRS i Ministarstva unutrašnjih poslova Republike Srpske (MUP RS) preduzimali široko rasprostranjen i sistematičan napad protiv bošnjačkog civilnog stanovništva iz zaštićene zone UN-a Srebrenica, koji napad je bio u skladu sa državnom ili organizacionom politikom i u cilju provođenja te politike, u sklopu kojeg napada je do 40.000 bošnjačkih civila prisilno preseljeno iz enklave Srebrenica, a više od 8.000 muškaraca i dječaka Bošnjaka pogubljeno po prijekom postupku, ukopano i ponovno ukopano; zbijajući za taj napad, kao [REDACTED] postupajući individualno i zajedno sa drugima vršili progon civilnog bošnjačkog stanovništva na političkoj, nacionalnoj, etničkoj, kulturnoj, vjerskoj osnovi, lišavanjem drugih osoba života, prisilnim premještanjem, zarobljavanjem i drugim nečovječnim djelima, tako što su:

Dragan Nešković i Zoran Ilić, zajedno:

1. Dana 12. i 13. jula 1995. godine, [REDACTED], u vrijeme kada je bošnjačko stanovništvo napuštalo svoju imovinu, bježeći prema UN bazi u Potočarima, naoružani automatskim puškama, učestvovali u pretresu bošnjačkih kuća s ciljem sakupljanja bošnjačkog stanovništva i sprovođenja u bazu UN-a u Potočarima, pri čemu je [REDACTED] aktivirao ručnu bombu i ubacio je u [REDACTED] u kojoj se nalazio [REDACTED], postupajući u skladu sa prethodno dobijenim zadacima od strane njihovih nadređenih da sve pripadnike bošnjačkog naroda upute u sabirni centar u Potočarima, učestvovali u prisilnom premještanju civilnog stanovništva iz baze UN-a u Potočarima autobusima i kamionima na područje pod kontrolom Armije BiH, tako što su u autobuse i kamione smještali samo žene, djecu, pri čemu su optuženi bili svjesni da će bošnjačko stanovništvo iz Potočara biti protiv njihove volje premješteno na područja pod kontrolom Armije R BiH; u Potočarima vršili odvajanje muškaraca civila Bošnjaka od njihovih porodica, koje muškarce su, nakon što su im lične stvari oduzete, držali zatvorene [REDACTED], koju su obezbjeđivali [REDACTED], a odakle su autobusima prevoženi [REDACTED] na mjesta pogubljenja [REDACTED].
2. Dana 13. jula i 14. jula 1995. godine, [REDACTED] raspoređeni duž [REDACTED], vršili zarobljavanje muškaraca Bošnjaka koje su u grupama odvodili prema [REDACTED], gdje su [REDACTED] vršili pogubljenja zarobljenika, pri čemu je Dragan Nešković naredio [REDACTED], koju naredbu su oni i izvršili, a Zoran Ilić je, pojedinačnim ispaljivanjem metaka iz

automatskog oružja u [REDAKTIRANO] tijela prethodno strijeljanih zarobljenika vršio „ovjeravanje“ kako bi se uvjerio da nisu preživjeli.

Zoran Ilić, sam:

1. Dana 17.07.1995. godine, tokom prvog dana pretresa šumskog područja [REDAKTIRANO] [REDAKTIRANO], koji pretres je vršen s ciljem zarobljavanja više stotina muškaraca Bošnjaka, među kojima je bilo i djece, po prijekom postupku pogubio [REDAKTIRANO] zarobljenog muškarca [REDAKTIRANO]

DAKLE,

radnjama opisanim u dispozitivu ove optužnice, u vrijeme oružanog sukoba na teritoriji Republike Bosne i Hercegovine, u sklopu široko rasprostranjenog i sistematičnog napada usmjerenog protiv civilnog bošnjačkog stanovništva, znajući za takav napad, sa namjerom da diskriminiraju grupu ljudi, optuženi vršili progon civilnog bošnjačkog stanovništva na političkoj, nacionalnoj, etničkoj, kulturnoj i vjerskoj osnovi i to lišavanjem zarobljenih muškaraca Bošnjaka života, prisilnim premještanjem civilnog bošnjačkog stanovništva, zarobljavanjem muškaraca Bošnjaka i drugim nečovječnim djelima,

čime su počinili krivično djelo **Zločini protiv čovječnosti - progon iz člana 172. stav 1. tačka h) Krivičnog zakona Bosne i Hercegovine (KZ BiH) u vezi sa stavom 1. tačka a), lišenje druge osobe života, tačka d), prisilno preseljenje stanovništva, tačka e), zatvaranje ili teško oduzimanje fizičke slobode, tačka k), druga nečovječna djela slične prirode, istog člana, a sve u vezi sa članom 29. KZ BiH i 180. stav 1. KZ BiH**